

Viši zamjenik visokog predstavnika u posjeti Centru za rehabilitaciju ovisnika o drogi

Viši zamjenik visokog predstavnika Peter Bas-Backer danas je posjetio Terapeutsku zajednicu "PROI", centar za rehabilitaciju ovisnika o drogi u Kaknju.

Tokom posjete ambasador Bas-Backer se susreo sa Samirom Ibiševićem, predsjednikom nevladine organizacije "UG PROI", i razgovarao o problemima ovisnosti o drogi u BiH, kao i ulozi udruženja poput UG PROI u pružanju pomoći ovisnicima.

Ambasador je i informiran o tome kako projekat terapije kroz umjetnost pomaže liječenju od droge te o mišljenju o amandmanima na predloženi *Zakon o prevenciji i spriječavanju zloupotrebe droge*.

Prijetnja koju predstavlja nezakonito korištenje droge jedan je od najvećih izazova sa kojima se suočava moderno društvo. Ako ovisnici ne dobiju odgovarajuću pomoć ključni element pitanja narkotika neće biti riješen.

"Ove osobe trebaju da ih društvo, porodica i prijatelji prihvate a ne odbace", rekao je ambasador Bas-Backer.

"Kako bi im pomogli da svoj život vrate na pravi put i da se osjete kao vrijedni članovi društva svi se trebamo uključiti u rješavanje ovog problema, a ne pretvarati se da on ne postoji."